

Renoviran Zemljišno
-knjižni ured
FOTO S. PINJAGIĆ



Nezavisne novine, 08/02/2007

Višestruko brža uknjižba imovine

**Nije tajna da je
bilo korupcije u
ovoj oblasti.
Zemljišno
-knjižne izvatke
mogli ste dobiti
samo preko
veze za što je
davan i novac,
rekao Goran
Salihović**

N. KRSMAN

SARAJEVO – Vlasnici nekretnina u devet opština Sarajevskog kantona neće ubuduće čekati godinama na uknjižbu imovine nakon što je ažuriran rad Zemljišno-knjižnog ureda Opštinskog suda Sarajevo.

Ovo je juče saopštio Goran Salihović, predsjednik ovog suda, istakavši da u njihovom Zemljišno-knjižnom uredu ima 250.000 zemljišno-knjižnih (z.k.) uložaka.

"Pokrivamo devet političkih opština, odnosno 120 katastarskih opština, što je oko 18 odsto od ukupnog stanovništva BiH. Nije tajna da je bilo ko-

rupcije u ovoj oblasti. Z.k. izvatke mogli ste dobiti samo 'preko veze' za što je davan i novac. Takvi su ljudi proccsurirani i riješili smo problem korupcije. Uz to, bilo je i malo zaposlenih, pa se na uknjižbu čekalo i do četiri godine", podsjetio je Salihović.

Ističe da je za 15 mjeseci urađeno 54.200 zaostalih predmeta i od januara ove godine z.k. izvadak može se dobiti najkasnije za tri dana po predavanju zahtjeva. Salihović kaže da se sada imovina može uknjižiti u roku od 30 dana ukoliko nije sporno vlasništvo.

"Do sada su u elektronsku bazu podataka unesene katastarske opštine Dolac i Koševo, trenutno se radi na unosu

katastarske opštine Donji Butmir. Plan je da početkom 2008. godine Zemljišna knjiga bude unesena u elektronsku formu", kazao je Salihović.

Fahrija Karkin, predsjednik Advokatske komore Kantona Sarajevo, kazao je da će ovo olakšati rad advokati- ma, ali i građanima koji su u dugim redovima čekali zemljišno-knjižne izvatke.

Zemljišno-knjižni ured u Opštinskom sudu u Sarajevu renoviran je i građani mogu dobiti besplatan zahtjev za z.k. izvadak, koji ubace u poštansko sanduče i nakon nekoliko dana mogu dobiti z.k. izvadak uz plaćanje takse od četiri KM.